

四庫全書

集部

欽定四庫全書

集部

御製詩五集卷十二

欽定四庫全書

御製詩五集卷十二

古今體一百十七首

乙巳二

雍和宮瞻禮

首歲

躍龍郊年年禮必行
故宮開詠蕩淨域本
光明書室聊
成憩經編無暇橫
來瞻值人日吾亦念
初生

五福堂有詠

堯額楣間煥

舜歡膝下承今來老年者昔憶幼齡曾斂錫箕疇龜惕

乾羲象仍同堂欣五代

昔

皇祖御筆書此額以賜
皇考恭懸潛邸此堂用昭

垂裕昨歲余得元孫五世同堂因即景福宮之地
顏曰五福五代堂數典實由於此詳見所製五福五代

堂記

中

祖

考肇庥徵

題抱冲室

冲既訓乎和亦復訓乎謙此室曰抱冲久矣額諸檐初
韶氣方閭曦光溫撲簾和實茲室具謙勵吾衷含稱物
與平施義經義可叅

澄觀堂有會

冰水雖本同其澄則異矣水澄中無物冰澄中有體其
分以虛水實冰有無遂殊視然而冰化水仍昔無物是
可識方寸中不可著些子

題王翬十萬圖冊

十萬圖摹高士倪萬竿烟雨占前題忽然憶得兩竿直
石渠寶笈舊藏倪瓚畫譜寫竹兩直竿題云竹葉下垂
乃雨後之景余嘗寫竹枝而觀者問為何樹余為一笑
云云瓚所畫竹位置畧高而平淡天真不似之似正深得竹之神理耳向屢做之此是南華示
物齊

右萬竿烟雨

正是清和四月天淥波萬點貼田田不為花乃全為葉

企慕應於李謫仙

右萬點青蓮

容容靈靈鎖崔嵬
意想難分聚與開
著箇草亭眇滄蔚

精神知自雪江來

石渠寶藏王翬雪江圖
渾穆高古寒氣逼人與宣和雪江歸棹圖有無縫

天衣之妙余屢經題詠
卷尾寫茅亭一雲氣滃蔚其上
余題云卷尾乾坤一亭在目
窮千古迴標孤此幅中亦
有一草亭精神印合固
知名手下筆有源也

右萬山雲起

書樓即是清閼閣識

去聲

語分明紀壽平

此幅中有憚壽平識語

可

識曾無萬卷者
縱然能畫祇成僞

右萬卷書樓

落雲擘峽各爭雄
就下都歸大壑深
莫謂其源有差別
流同應足識源同

右萬壑爭流

蟠虬設籟罨扉顏
彷彿鳳山東角山
不認梵宮認書院

鳳凰山東角為萬松嶺有書院
舊名萬松書院今為敷文書院

每教得句在其間

右萬松疊翠

入律金鸞萬籟加
清商聲叶勝箏琶
怪伊曾未出古北

景寫山莊了不差

避暑山莊中萬樹園每
秋風拂林此景似之

右萬樹秋聲

平遠秋江萬里天
微波不動月澄鮮
高人艤棹非垂釣
為愛清光未忍眠

右萬里清光

雪景由來撫元鎮
萬峯高下玉同皴
家原饒蓄棄弗顧
其性知為喜冷人

右萬峯飛雪

性冷偏茲寫十萬
迂翁寓意究緣何
想因繪事祝人壽

千叟年斯倍蓰過

倪瓚十萬圖蓋即繪事寓祝延曼壽之意茲乾清宮舉千叟宴與宴臣庶

自百餘歲至六七十歲者凡三千人合計得二十餘萬歲較之倪瓚所圖倍蓰過之矣

右萬橫香雪

河南巡撫何裕城奏報得雪詩以誌事

昨冬北省率望雪臘底纔逢六指

三寸也

滋後此燕齊秦

晉報寸惟二三四五施

去臘十七日京城微雪廿一日始得雪三寸嗣據李國梁李奉

堯奏得雪四五寸又劉我奏宣化永平等屬得雪自二三寸至四五寸其山東山西陝甘等省奏雪亦自二三寸至四五寸不等均非盈尺膏澤仍殷希再霈也

豫地正廔經旱久奏章茲悉

沐

恩私

豫省上年雨雪短少望澤甚殷茲據該撫何裕城奏報省城於正月初二日未刻起至初三日子刻

止瑞雪繽紛積地三寸有餘並據附近開封衛輝府屬及許州各屬具報同日各得雪三四五寸不等雖被天恩仍深望澤至衛輝別縣及他府州是否一律較均霑尚未據奏及因復降旨詢問令其迅速奏報

量究欠霑優渥彼此均憂敢即怡

福建侯官縣職員許王臣家七世同居詩以賜之

數世同居弗一足

向年陝西乾州民甯爾強八世同居涇陽縣貢生張璘七世同居三水縣

民趙資八世同居福建百歲壽民沈起龍夫婦齊眉五世同居河南偃師縣民任天萬九世同居均經該撫請

旌並製詩書扁以賜茲福建巡撫雅德奏侯官縣職員
許王臣家自曾祖許友與弟許賓弟兄共襲至王臣已
歷四傳迨其曾孫凡經七世百有餘人累葉同居科第
蟬聯詩書孝友洵為盛事等語因勅部照例旌表並賜
匾額題詩
以旌雍睦 總緣

恩沐累熙朝詎惟表戶金帛賜合與題篇姓氏昭和睦
允稱惇史鮮上聲孝廉漫憶漢家朝欲長善善應嘉予匪

訓昇平教化調

齋宮即事疊去歲韻

昨歲

祈辛未與祭今春慎養得躬

裡受

恩逾重心逾惕經事益多志益寅昭格惟誠懷體物端

凝以久勗脩身決旬年更殷勤數上聲猶日孜孜待丙辰

自今歲乙巳計之再閱十年至丙辰歲
即應歸政惟敬俟 吳蒼純佑耳

詠文彭刻米芾破羌帖贊章

本文八十贊五十

王羲之破羌帖凡八十一字米芾作
贊凡五十六字茲文彭刻芾贊語作

印上方左右並刻題識款語而右軍
破羌帖本文轉未及載殊不可解

總為去聲右軍傳破

美却祇頌鶴博士米反教帖漏右軍王似爭古法鸞虬
舉鸞虬舉鵠序行印中所刻米芾贊句也迺至今餘翰墨香却笑高卑物
無定看茲凍石等琳琅

題王蒙梧館鳴琴圖

假山圍處泌真溪結以茅菴隱者棲膝弄恰宜孤鶴聽
絃操不藉一僮攜花枝庭錯紅意野梧葉簷籠綠蔭齊
自有山樵清迥致底須小印為重提

圖中無款而標籤曰王蒙圖脚更有一黃鶴山人小

印却似贗為者故戲及之

詠漢玉天馬

茂陵萬里求天馬既得作歌紀瑞文看有角為奇

讀為奇偶

之弗偶

天馬頭上有一角見鄴道元水經注

歷無阜至鎬和汾肖形刻玉

太乙貺閱世出邛長樂羣謾議水銀浸鮮據

是玉內白外黑蓋在

塘中受水銀浸者

漢家常用有前聞

乙巳次辛

祈穀禮成述事

昨春恭代懼無遑

昨歲上辛因氣滯舊疾微發遣
皇子恭代仍於齋宮敬謹齋宿

今歲

親承慎倍常齋避隔年因舉次

今歲元旦辛亥會典舊
例不隔歲齋戒應用次

辛辛猶首祚特

祈祥撫躬問奈何弗敬沐

昊貺其敢怠荒擬更十番來奠

玉

計至歸政之年尚應十次躬承

敬慎養身仰籲康強
錫福俾得如願將事

養身

惟籲

錫康強

新正幸御園即事有作

御園又閱隔年春

上年春自宮中啟
蹕南巡未至御園

人自依然景倍新

雖是高齡非壯概却欣諸禮竟躬循

昨歲上辛遣皇子
祫代行禮今歲仰

蒙

吳貺自元旦行禮朝正及千叟宴禮成後

輕黃

躬承

大祀康強倍昔得展積誠實深欣幸

陌柳含韶染嫩綠
塍待雪皴過午同雲濃
四字殷希瑞玉霈膏均

清暉閣

霽霽春光稚閣闌
虛閣融憑窻暢神
處梯几靜吟中洛

浦水仙白孤山梅朶紅笑他雖縮地一例謝東風

虛明室有會

室之美在虛窓之美在明相需相得彰憬然惕予情虛
受無分別人將混淄澠用明事苛察無魚戒水清執兩
弗忤物庶幾得其平

澄虛榭

澄虛謂水謂非冰却是墀前元玉憑固喜不波真契靜
更看徹底總為澄狐聽已罷知寒退魚負將臨識氣升

茂對時懷育萬物渠寧遊目興之乘

題文源閣

昨歲書成楠架陳題分四色一時新

自唐列經史于集四庫茲全書即用

其例而冊面各分色裝潢經史子集四部各依春夏秋冬四色舊要亦如之以法四序且便檢閱

雨霽

風涼勅苑吏繼尋如期嘉翰臣

四庫全書自癸巳春開館至辛丑歲第一分書

成貯文淵閣後館臣等請勅限三年趕辦全竣隨於壬寅年第二分書成送盛京文淵閣癸卯年第三分書成弄此御園之文源閣至第四分書應送熱河文津閣者亦於昨甲辰歲內辦理完竣總裁纂修校閱諸臣尚能如限趕辦不致稽遲
裒博三倉較彼富精英二酉勝其醇獨予自

覺恧然者枕簟何曾日以親

趣亭

層閣前頭疊石叢小亭如笠架巖開梅心柳眼無非趣
得趣仍於書裏來

月臺

綴景月臺效米為幾曾攀陟屢登之若論三五煙花夕
恐彼顛翁未肯斯

品詩堂

吾無所好好為詩亦弗知詩為何品古論詩者有恒言
或得貧賤或坎壈二者於我原獨無則我詩不入品審

四集三萬餘首成

御製詩初集四千一百餘首二集八
十四百餘首三集一萬一千七百餘

首茲四集編至癸卯年止九千七
百餘首合計共三萬四千餘首

躁人辭多知過甚

曠然閣

出樹高樓更無葉憑欄極目碧霄空曠然意與廓然近
吾亦因之勉大公

澄景堂即目

即目無須婁舉冰當前景物莫非澄韶方釀乃遲姚冶
景芳未酣猶待發興物分付時光底為速評量春意漸
而增宣毫江硯懋勤候辭不涉華亦尚能

味真書屋

書屋額味真味固在書史然而書史味得真者鮮耳或
言性命學程朱漫比擬或誇經濟才巧宦失根柢或炫
詩賦雄徒驚其言綺是皆非真味循人而昧已然則如
之何去偽斯佳矣

文伯仁具區林屋圖

萬頃接雲空，具區遠莫窮。水誠稱浩渺，山以間巖崿。林屋高低出，幽人來往通。分明洞庭景，不辨是西東。

題文彭刻聖教序語六枚章

桂生

第一章

蓮出

第二章

聖教述自潔

第三章

本貞

第四章

古篆

披歲識重光，月太簇。法稱平穩，闢離奇。

二語聯括
彭自識語

附高

第五章

憑淨

第六章

申其義語，迴神超合。我詩却喜六枚永。

簪盞恰如白也竹溪時

詠宋元符虢州澄泥硯

唐代澄泥出虢州

此硯為元薩都刺所弄見其識語

元符題識尚堪求

伊人寧渠誇博古觸惡應知實有猷

上元前一日小宴宗藩及諸孫曾

昨經千叟柏梁聯例用今朝

祖宴傳

康熙壬戌年安賦詩用柏梁體

皇祖同廷臣并平嘉正月十四日也

先節親

親宜此日于時語語視常年座間帝系欣看奕

孫曾輩凡娶媳

者乃准入宴令建奕純矣

編展書房待預元

孫曾輩例於六歲即入上書房讀書欲元孫載

錫六歲讀書時即令入宴以賓副五
代同堂之慶然亦不過遷待四年耳
却因望雪意怛然
撫序允應增慰慶

批摺

批摺詳事理詎惟鳳諾允河南及山西同日報雪信

叶

河南率遍霑或及尺餘準

河南巡撫何裕城奏報開封衛輝歸德彰德懷慶南陽河

南汝寧陳州各府及陝汝光三州各屬俱具報於正月

初三四日得雪自二三四五七八九寸至尺餘不等統

計一百八州縣
均已一律普遍
衛輝尚欠澤戚戚廛民窘

何裕城又奏稱查各屬得

雪分寸河以南各府州均已優渥河北三府內惟衛輝
所屬各縣究未霑足因批諭此實可愛應悉心細求其

故

山西則普被即可翻犁

畛

護理山西巡撫鄭源琦奏報太原平陽潞安汾州大

同朔平寧武澤州蒲州等九府遼沁平定忻代保德解絳霍濕等十州并歸綏道所屬各稟報於正月初二三日得雪自四五六寸至九寸一尺不等處處春膏廣被二麥根茂暢發省北一帶即可翻犁布種農民歡慶

並稱奉硃批再需斯益善

叶

果因至誠感

天庥示靈朕

鄭源琦又奏上年十二月報雪摺內奉批再需斯佳矣仰見至誠感召上沐天

庥等語覽之彌切近畿之念

覽奏增慚愧誠格無遠近臘底霰畧霏

積地將三寸

叶

今復逾半月盼澤日以緊格遠弗格近

自問殊滋哂

據各督撫奏報壽登百齡而五世同堂者復得四
家因仍用賜張子翼前韻成什分書賜之

紀元五十承

天眷述

祖乾清叟宴張彙報遂教來續續

上年因慶得五代元孫命各督撫查民間

得元孫者咨報彙奏嗣據四川總督特奏達州張子翼江西巡撫特奏龍泉縣古朝爵均以百歲壽氏五世同堂因親製詩章並御書匾以賜其各省陸續彙咨五世同堂者凡一百九十二家而百歲五世同堂又得四家
特章豈獨讓堂堂京畿齊粵四氏得

直隸順義縣郭有英山東聊城縣張

羽厯城縣劉湘廣西桂平縣生員鍾君寵四人皆壽登百齡曾元五世因仍用前韻成什並各書匾以賜張

羽郭有鍾君五代昌壽世庶徵真是罕持盈保泰

惕何遑

上元燈詞

御苑節宵賞隔年

元宵慶節向於御園張燈賜宴昨歲以氣疾偶發又因南巡於宮中啟蹕

故未至御園

南巡擇吉致遷延地方燈事都教罷

向年南巡啟蹕在上

元前地方官每於近頻預備煙火昨歲節後始畧示還啟鑒因先行傳諭直隸山東督撫停止備燈火

淳之意焉

雖則乾清家宴存

昨歲元宵於乾清宮家宴有即事成什詩

由來性不喜繁

喧於能靜處每從靜奚必觀燈出午門

永樂十年元宵賜宴聽臣民於

午門觀龍山三日時尚書夏原吉侍母住觀命齋鈔二百錠以賜見明通紀

謾稱佛火與神燈哈達懸瞻塔頂層

上元前正月六日賜千叟宴時妙應

寺塔最高頂懸有哈達哈達蒙古語謂奉佛吉祥製帛也非人力所能為遠近瞻禮者駢肩接踵咸謂佛力神通不可思議既弗禁亦弗艷稱宣付然實吉祥節事也

人力莫為不思議上元佳

話助休徵

雖曰望宵實幾望

憲書正月十六日方值望

示冲於是果為冲可無

轉語聽斯語此夜萬方元夜同

百道流虹光四射十尋火樹爛雙撐燈光月色雖爭朗
望雪因之意轉怍

南油西漆紛爭麗刻像圖形各鬥奇入儉難而入奢易
安窮長此每塵思

玉宇金繩界道斜萼不

平聲

不夜燦光華苑邱林服得仙

道樹樹九靈明鏡花

火戲樓前與衆觀西戎北漠及回官

向例上元賜蒙古諸藩王公及回部

降番等觀燈與宴近並令
朝鮮暹羅陪臣一體預觀
燈詞拙速仍八首例事依然
不畏難

上元後日小宴廷臣得句

筵開千叟事希倫小宴盈庭此浹旬
過望應知方月望
欽鄰恒用最臣鄰笙鏞以間原依例
禮樂惟和未是頻
酬酢即看多白首

天庥同沐共增寅

三朝寶訓四言傳

乾清宮正大光明匾為世祖御
書景山觀德殿正大光明匾為

皇祖御書圓明園正大光明匾為
皇考御書 三朝心法內聖外王一以貫之 正大光明

殿額懸內聖外王胥是道上行下效本同詮時和詎可
相嬉若世泰尤應共惕然咨爾摘毫賡韻侶體予意在
九三乾

題含經堂

過節芸堂至率成例事如閑餘頗喜靜几淨遂觀書改
過偶思彼
用論語蘧伯玉事 躬行何有予十年屈指近娛老企

斯居

今歲乙巳新韶至乙卯
歸政之期屈指十年

味腴書室口號

味腴書室以何名
薈要鈔成取最精
即薈要猶艱遍閱
更奚望此疊躬行

淳化軒誌愧

由儉入奢易由奢反儉難
百年太平世民物誠熙然
以此諸物貴平之豈易言
設使嚴禁令罹法必多焉
遊手好閒輩亦藉謀食
權使其盡歸農安得如許
田均田雖有法亦惟故紙
傳富者必失業貧者詎被
全圖治先致

亂可不思其艱蒿目補苴策淳化徒名軒

安瀾園十詠

芥經館

溪邊書館富芸編坐不踰時命駕旋付與白魚斯饜飫

食三仙字便成仙

四宜書屋

髫齡以至古希歲實與簡編手未離四庫新看編纂就

抽翻無有不宜時

無邊風月之閣

為聲

風

為色

月

孰齊肩總與韶春增麗妍世界無邊風

月共而吾意亦與之然

涵秋堂

當春何必重

去聲

言秋似與韶光煞興頭旋憶苑因枯以

致箇中消息可無不

遠秀山房

假山之頂構雲房遠見西山色尚蒼莫謂春初秀猶遲

去聲
四時佳氣此中藏

染霞樓

溪樓俯攬芰荷叢
夏月花開照影紅
漫議染霞副名未
東風偶爾讓薰風

綠帷舫

假舫為名真舫實
冰時真舫塢中收
綠帷偶坐輒然笑
世上名勝實者稠

飛睇亭

景寫陳家歷有年園亭種樹已森然不須飛睇隅園遠
昨歲春光即目前

煙月清真樓

煙如漏月清無滓月似披煙真有情煙月其間付不識
便宜樓者得虛名

采芳洲

春孟羣芳未發時春冰雖薄尚凝池額楣不肯孤斯覽
遂以悠然意采之

題豐樂軒

御園隙地多弄田軒名豐樂祈農寓去歲北省率有秋

弄田益慶倉箱裕然而斯慶豈易得十歲難逢五六遇

人益滋而穀益貴歟必增價豐如故

承平生舊日繁穀價日貴而百物亦

因之日昂間遇歉歲必至增價及豐收而價仍不減實事勢相因難以就平也

穀貴諸物胥價

貴往往十年倍其數持盈保泰實艱哉長此安窮吾益

懼

敦素堂

旭在明窓冰在池額顏兩字有餘思可知返樸還淳意
每在臨堂梯几時

合翠軒

夏軒名合翠而我來斯春御柳方欲梯遙哉綠葉新其
實尚艱責其名那易循會有合之時流陰詎逡巡

新賞室

梅心柳眼一時新隔歲韶光待主人

去歲因南巡
春未至御園新江

浙風情亦何異漫言孤負昨年春

橫雲堂

假山能幾何詎有干霄狀山堂名橫雲亦惟出想像
然既得其名副實寧容曠憑窓見西山蒼蔚峯頭望蒸
雨信其靈凝雪亦云當

翼翠亭

突兀枯枝少葉攢寒林畫展李成寒

內府有李成寒林圖向曾題句云那

藉丹青絢猶看柯榦
攢正與此景逼肖

孤亭隱隱如相謂夏月閒來試一

看

詠古玉碗玉碗托子

玉碗托子昔有兩前後得之本一對因而有詠識奇合

其碗則以宣瓷配

見壬辰碗托子詩

即今玉碗玉托子乃自古

未離其隊較於昔者斯倍奇矜秘弗錯分寸契叶玉質

本一土浸同朽鑿何愁殊向背把玩徒慙無脛來欲罷
不能拈筆再

題宋元明集繪冊

黃居寀萱花蛺蝶

乾德歸朝眷遇隆命搜名蹟逮江東

見圖畫
見開志

殿屏圖處

超時手湖石狀尤過乃翁朶朶芳萱承曉露翩翩輕蝶
下薰風設如比擬忘憂者却惹悽然思不窮

董源疊嶂飛泉

唐末畫宗開宋初礬頭小幀白雲舒法知居士非虛也

色問將軍可信歟

圖畫見開志謂源水墨類王維著色
如李思訓此幅水墨而畧著色故云

泉落兩峯疑束玉樓圍萬樹似懸居浮圖獨據中間峙

意在堂堂標六如

文同琅玕挺秀

不筍而成攢个个梓潼此法本来閑橫枝直性誰能拗
豎榦孤蹤孰得攀擬以琅玕猶頗置投其縑素豈寒慳
重看畫竹文與可却訝東坡阿那間

許道寧翠巘精藍

李

成寬

去存許道寧

見圖畫
見聞志

長安獨擅畫儀刑所長

却謝其平遠

聖朝名畫評云道寧所長者
三一林木二平遠三野水

別撰偏為此

峭停架水飛廊高士步隔雲精舍定僧惺平生知己張

文懿留得侯門幾曲屏

趙孟頫松泉淪茗

屋蔭長松階近泉汲泉課僕事烹煎何須水調馳符契
自覺餅音勝管絃不鶴雖煙誰避鼎得魚以趣率忘筌
詩禪設謂樂天似

孟頫自題云却
道前身是樂天

羸彼還應是畫禪

黃公望野約吟筇

嶽嶽高峯隔世塵結廬喜近水之濱青松丹柏秋容與
氣朗天蕭宇淨真憑牖望寧自居主過橋行亦不稱賓

底須一一徵名氏總是箇中無事人

吳鎮叢薄幽居

崇山為郭樹為鄰
落落疎峯淡淡皴
無悶幽居堪避世
有懷太古自超塵
殊他羅雀翟門
誚謝彼馳煙孔檄
嗔不似文家竹掩畫
故知吳畫實通神

倪瓚喬柯新粉

僧寺住常十日過
繪成小景不煩多
幾竿新筍纔脫粉
一對喬枝久擢柯
豈必高低相較量
雅如顧盼互婆婆

丹青漫議無顏色此是迂翁寫擘窠

李衍秋圃霜菰

墨竹從來稱薊邱別裁時亦見風流霜菰足識貧廚味
秋圃堪方農廩收豈必萬錢詗日食可教一飯忘民調
集賢學士何多暇接踵門前那勝求

王紱古木疎筠

古木由來不計春却隣幾個嫩疎筠詩情畧喻忘年友
見紱自題詩
句並跋語
畫格能傳君子人勁節稜稜性弗屈脩枝

雷雷意懷新九龍秀氣挹無盡印證全同庚子巡

王紱
自號

九龍山人庚子南巡題紱山亭文會圖疊舊作
韻有印證恰披行篋畫重看已卯仲之春句

徐賁雲壑探幽

幾箇危峯雲表攢復驚飛瀑落雲端固知此地非塵境
雅合高人自考槃網水垂垂如鐵鎖線蹊曲曲繞虬欄
都成巢父掉頭處似曰斯宜小住看

唐寅潑墨牡丹

伯虎多能風雅倫寫生猶擅獨傳真別成卉裏孤高種

羞說世間富貴春三朶那期歸上苑六如想欲證前身
不衫不履其人似却得花王自在神

題蘇軾澄泥半碣硯

宋代澄泥珍大蘇李

沖庭元

堅

銘識已模糊式如半碣復

無字或戒昌黎諛墓乎

題知過堂

人苦不知過既知改為貴弗改已為非甚者文

去聲

與遂

繫我顏斯堂已閱雨三歲不吝成湯心未能伯玉志我

胥企之哉摘辭誌深愧

思永齋有詠

壬寅詠思永申言有二義

壬寅思永齋詩云一曰永修身一曰永後世五帝官天下

修身一已備三王家天下後世應並計

其義已暢明茲不復辭贅茲之詠

思永用為娛老備建立廿餘年茲近十年計

思永齋在長春園內

建立二十餘年在寧壽宮落成之先均以備歸政後頤養所居茲自己巳春至乙卯歸政屈指十年惟期仰承

天貺得如初願庶克協思永之義耳

永者日以近足知老將至設果得

如願額手欽

天賜

豁如室

室蓋取其溫曲折避風輕而此室獨敞豁如故得名因思名與實何曾有定衡但繹題額義足以怡神情廓然而大公虛受弗滿盈內聖外王學胥宜勉力行

師善堂

伊戒明云主善師善無常克一為之書堂適展義經讀

即景正當元長

上聲時

樂性齋

樂者悅之義性者心之統曰心統性情吾謂失輕重

叶

天命之為性豈為心所用禮義之悅心孟云芻豢供是
即率性方其樂油然中詎其在玩物屬屬而洞洞

戲題夏隱亭

春弗隱而夏方隱

解見壬寅
題此亭詩

可知其隱未恒兮德璋亦

有時而出那免移文孔稚圭

清曠樓

曠是樓中體清乃樓中用清而無曠枯曠而無清縱相
需相得彰體用戒偏重叶詎祇一樓哉絜矩萬理中

活畫舫

木舫原飄動稱云活畫宜此誠石舫耳何以亦名之流
水窗前過行雲天上披詎非無定趣轉語聽乎斯

詠哥窯鑪

宋器無多巧大都鑪與瓶妙香欣此藝忘嗅有餘馨提
拾資雙耳丁星承六釘由來絳土色謂鐵誤為聽

高瀛
遵生

八牋載官窯在杭之鳳凰山下其土紫故足色若鐵哥
窯取土亦在此按此則鐵足乃因土色非真以鐵為之
也足

古玉軸頭

古玉軸頭長二寸圍一寸有

去聲

分寸五截為二一則琢

鞞一則就圍圓刻寶

叶

寶文曰古稀天子用以抑埴書

畫可

叶

鞞則欽手覺太粗中規削半留半取削者玉質

乃全呈留者縟華原作土或者用之日以長受汗氣仍

玢璘吐既思臂病用不數

入聲

刻詠何為意微憮

題徐賁獅子林十二景冊

將謂獅林創老迂誰知維則始姑蘇

石渠寶笈舊藏倪瓚畫獅子林圖

自識如海因公宜寶之蓋為如海作圖也按如海為元僧維則第三輩弟子獅林實創自維則後人率以獅林屬之倪迂蓋誤矣甲辰南巡復得徐賁畫獅林十二景後有姚廣孝跋稱徐賁為如海作蓋可為證冊中陸深跋元僧維則好聚奇石類獫狁故取佛語名菴或云維則得法於本中峯本時住天目之獅子巖蓋以識授受之原也

冊分十二幼文畫卷作長方懶瓚圖各與海公供

祕玩

徐賁畫冊列景分繪為十二幀倪瓚則係通景長卷皆為僧如海作清供者

同為佛偈

演浮屠人家自己殊其事道衍於斯愧也無

人陸深跋稱道衍還

吳夜深微服訪其師於獅子林師捫其頂未蓄髮曰和尚留得此在又云和尚撇下自己事却去管別人家事可謂本教中棒喝手

冰酥

過節冰漸酥蓋因立春早酥即弗可涉舟尚堅鳴棹

叶

二者均艱致中人愁如擣齧凌既慮堅望波愁未渺力

無所之施堪憐亦堪笑

叶

澹然莫芥意吾意彼豈曉凍

與弗凍間豈由汝所造小忠及小勤從不喜其効

叶

輕

與度橫橋遵陸原非杳暖來雨三日凍解湖波浩奚用

爾愁為體物莫非道

節後萬壽山即景得句

燈節全無一日閒忽過燕九瞥眸間可知萬事速流水
因趁片時遊好山綠柳含韶徐醞釀蒼松傲凍聳孱顏
春光不礙昌昌遞茂對酬吟此尚閑

題玉瀾堂

微風弗拂湖春暖漸冰蘇一澈照原有不波紛乃無隔

年景依舊

去歲南巡新
正未至此

過節暇來娛坐此先咨政

向每
至清

漪園必先生此
堂傳餐咨政
勅幾敢懈吾

道存齋

明窗淨几坐溫暾
舒疊韶光靜可論
柳眼梅心胥伯雪
不言可識道之存

題樂壽堂

在萬壽山
清漪園者

清漪樂壽堂山水寓仁智後始知紹興堂早用是字
宋高

宗內禪後亦稱樂壽老人然其意在亟圖謝責
故壬寅詩有彼其耽燕閒率非吾所取之句

寧壽樂

壽堂原可同斯義

寧壽宮亦有樂壽堂仁智之樂取義
固同而山水之實則在此不在彼也

然設責以實景誠萃此地俯湖未波瀾種樹已蒼翠娛
老不其遙祇以十年計

停靄樓口號

雲容山氣靄嵐分

靄為雲容嵐為山氣世多沿習誤用於物理字義均未明晰

謂之

朝嵐涉誤云

朝為靄夕為嵐其誤用始於李商隱徒望朝嵐與夕靄之句詳見辛丑年嵐靄詩并

注欲笑懷州李商隱空教獺祭用功勤

題無盡意軒

有真無盡已頻言清漪避暑豈兩地

清漪園之無盡意軒避暑山莊之有

真意軒均屢經題詠向嘗有句云無盡有真同一意蓋無盡乃有真而有盡必致無真一而二二而一者也

設明曾傳第六章二而一即一而二當前切已語毋欺
綠水青山萬物備

知春亭

璿籥循環運四時東皇一氣百昌怡春來有象由無象
亭付無知為有知

題藻鑑堂

溪堂臨昆明額之曰藻鑑疑則冰之堅融則水之汎其

為照本同於堂有何欠我有用人責賢否應勤苟其
用儉壬吾民危必陷鑑人豈易哉月旦敢謂艷即境增
惕然明達祛心暗

景明樓

樓壓長隄號景明東西湖景八窗迎春纔孟也芳未暢
艷裔休猜上下呈

題治鏡閣

湖中峙城閣向題曰治鏡是盖有二義申之以斯詠一

曰鏡古治善政與惡政一曰鏡今治敬勝及怠勝敬則其政善民安而俗正怠則其政惡君驕而臣佞敢不戒其怠猶恐弛茲敬求治忌太速亦足滋為病無逸而有為永言勵吾行

雲松巢

如巢樸屋倚巖隈節後閒遊淑氣開祇有古松與野鶴不知春色去和來

邵窩有懷

邵窩本以肖蘇門

蘇門山有邵雍安樂窩遺蹟茲肖其制為之

佳處曾經識

衛源邇歲旱災頻數縣

近歲河南衛輝府屬之汲縣新鄉獲嘉等縣屢被旱災貧民拮

据雖新正加恩分別展賑酌借口糧籽種而如傷之念常繫於懷也

如傷南望惕心存

再題惠山園八景

載時堂

背山臨水構書堂樂不為疲撫縹緗昨歲江南今冀北

載時一例閱春光

墨妙軒

自是三希擅大家繼收墨妙石鐫華漫嗤孟賈非仙聖
寒瘦由來未甚差

就雲樓

雲屬動而樓屬靜何云樓乃就乎雲試看賓主迭為處

奚必其間著相

去聲分

澹碧齋

碧為水色澹水德却是斯來冰始融憑檻莫嫌名副少
兩言恒此占齋中

水樂亭

煙霞嶺下與東陽

西湖煙霞嶺下有水樂洞東陽亦有水樂洞

及此而三水

樂揚清泌祇知流感沸幾曾按拍叶宮商

知魚橋

久議惠莊多費辭魚乎子者究為誰不如橋上觀而樂
萬物由其付自知

尋詩逕

散步行來曲棧斜
磔池林出石嵯峨
設云此即尋詩逕

不在隴西在浣花

涵光洞

北洞雖幽望不遮南華生白語無差箕疇設喻庶民近
吾亦涵之敢自誇

詠和闐玉驪龍守珠鉞

撈取和闐盈尺姿他山石錯玉人為一珠徑寸驪龍護
守口如鉞意寓茲

題戴淳匡廬圖

一角陵巖峙迴樓匡廬神韻望中收雖然瀑布未曾寫
想像銀河眼界流

詠舊澄泥蟠夔硯


未央銅雀雖稱瓦鼻祖澄泥實在茲製器弗明是何代
鏤紋宛看有蟠夔學書徒撫王家帖稽古猶慙董氏惟
所好聚來物滋夥箇中應懼自應知

夜雨

正月廿八日

霏絲報夜中欹枕數蓮簫望雪乃逢雨
聲
毆雲又作風

聽惟憐淅淅懼更怒蓬蓬澤不成分寸晨興意倍忡



御製詩五集卷十二

欽定四庫全書

集部

御製詩五集卷十三

欽定四庫全書

御製詩五集卷十三

古今體九十五首

乙巳三

西直門外作

度節駐春苑還宮舉辟雍莫非事可慢益勅已惟恭雅

實溯京鎬詩寧效景龍

此次以肇建辟雍告成於仲春上丁擇莫講學進宮因於二月

初二日在乾清宮考試翰林諸臣詞賦按唐景龍中以正月晦日幸昆明池集羣臣賦詩百餘篇命上官昭容選一首為新翻御製曲須臾紙落如飛惟沈佺期宋之問二詩不下移時一紙飛墜乃沈詩也評云沈詩落句

詞氣已竭宋詩不愁明月盡自有夜珠來猶健舉沈不敢爭云云既曰御製何必選自臣下事舉典則詞涉側訛且令宮闈校閱得司進麥疇胥待澤厯閱切無棕退之權尤不成事體也

賦得循名責實

得班字七言八韻
考試翰唐題

實主名賓天地間淮南著訓政斯闕用雖權偶資時濟
守在經當識大閑爰有讎書校四庫不無捷徑啟南山
欲甄真贗魚雅侶可濫清華侍從班縱曰立言修行去聲
要宜思彤正影端艱經鎔史鑄則堪取子抹集塗亦合
刪咨爾獻廷期效世體予務學莫偷閒業成即不讓虞

褚尋樂還應於孔顏

遊西苑題素尚齋

湖石本假山久假真斯是松作老龍鱗數百餘年矣松
石間得路書齋近尺咫芸篇益覺香靜謐延徙倚素尚
愜我懷得句亦非綺

雲繪樓

雲繪樓乎樓繪雲坐來一例賞氤氲靜觀合在無名始
何必區區形迹分

崇雅殿有懷二首

正非雅或失於樸雅弗正斯近却妍所以二希古文選

蔡開之名其堂曰二希選古文雅正 揭端雅正用名篇

畧識雅當正為本猶慙言未行相符芸編綈几相對處
年過古稀猶故吾

虛白室

室以虛而白白原在室中無室虛奚託非虛白何從三
者原相資不離一幻空贅語謂吉祥未思哉莊蒙

春及軒

向榮草木蘇生意淑氣融和已及春却憶農人耕作苦
那同彭澤賞芳辰

待月軒

亭軒率與名選題聊寓意是處顏待月東向波無際自
合引素蟾流光座間麗心知此景佳然曾未一試既因
閒暇少復戒遊賞恣惟乘散步來寄興抒吟字

朶雲亭

團城聳六百餘年古木蕭森詭石卷著箇危亭棲峭嶺
朶雲欲作雨油然

題畫舫齋

冰凍未來冰解來溪齋今日副名哉雖艱動轉原浮水
似罷帆檣暫泊隈那詡箇中弄書畫尚慙此外綴樓臺
魏徵十思去聲疏堪憶載覆其間深慎諒

古柯庭

古柯園有丈餘圓拱把應於大定年却勝燕城趙景道

祇存名姓世間傳

振芳亭短歌

芳有時而歇夫誰為之
疾芳有時而菀又誰為之
振歇豈芳知菀匪芳為一
消一息大塊無私喜其振
而惡其疾則人之情也小
哉楚人稱物之辭

題浴蘭軒

建蘭雖異楚騷蘭辨古
徒精返俗難

離騷所言蘭即都梁香草莖葉皆似

澤蘭朱子楚詞辨證謂香草必花葉皆香故可刈而為佩非畫家所繪建蘭辨證極為明晰向嘗於離騷香草

圖訂正之松雪猶為花五出

自宋以來畫家均以建蘭為楚騷之蘭朱子雖加辨正而未能

返俗內廷所弄趙孟頫畫蘭尚作五出花應亦未見朱註耶

笑他朱註未曾看

韻琴齋

動則泉流靜則石泠泠
滴滴繞階斜悠然有會知音處
石是鍾期泉伯牙

詠玉托子永樂胎茗盃

托子古玉滄桑閱茗盃永樂傳胎脫一脆

謂光茗盃一堅玉

托子殊不倫相資合體誠奇絕輕於宋定薄於紙炙手微

嫌茶湯熟置之托子溫須臾適用酌中品芳潔試想盧
仝陸羽輩安能以此領茶悅既笑二子或逢斯掉頭弗
顧應罷啜

題唐寅牧羊圖

李陵衛律應羞死雪窖冰天不變真設使北庭無妻子
更為漢室一全人

武不降匈奴其節固可稱若云嚙雪餐旃則何以養
妻育子班史不無過譽儻言偶因題此卷輒為責賢

之備

王問四靈硯

行草升堂米與黃四靈刻硯佐文房爾時可有安邊策

款印猶稱古職方

嘉靖時邊方已漸有事時王問官車駕郎中有古職方氏款印

題永樂雕黑漆太真上馬圖盒

永樂雕工技絕孤直教染漆不調朱徒觀天寶倚欄立
却是太真上馬圖方喜溫泉行樂耳那知北塞起兵乎
身親靖難誠無此執藝何妨有諫徒

偶因一首

司馬論諸葛偶因切已尋事煩心不亂

心隨事遷則不能泛應曲當而

亦勞神致傷也

食少病無侵

俗謂多食致健不知病從口入少食乃卻病良方此二語為予養心

養身良方原別無求長生之術也

陶寫聽絲竹優遊閱古今

戲齣中頗能肖古今

興廢賢奸情狀觀之以正亦裨治理

其間誤猶顧亦弗礙摘吟

每聽絲竹對以摘句

其有錯誤並能知之伶人不敢為濫竽也

詠漢玉仙桃盃

劉郎七夕承華殿王母携來桃七枚留核種難待結實

先教琢玉肖為杯

題倪瓚松亭山色因用瓚韻

不須景布與色賦山翠遙來菴牖戶點筆聊為松下亭
延其菴者於斯住會以神而寫以意意也神也隨煙霧
此是懶瓚千古倡豈向世間論朝暮

詠芝朶

芝朶千年物樊桃育種奇祥鸞翠鳥蔚金殿玉樓披自
有瑤光映得無寶露滋長生誠可藉何以故林辭

命加賑河南衛輝府屬各州縣詩以誌事

新正何裕城報雪章曾至河南率被澤河北優霑未衛

輝連歲旱實予深厯意命其親歷閱民艱籌莫怠

叶昨因

豫省衛輝府屬上年被旱又雪澤短少小民生計維艱降旨詢問何裕城令其親往各該處查看情形詳晰籌畫據實茲據縷晰陳為之增憂思冬雪既欠優春雨復

未霈二麥既無望大田待耩地展轉念災黎幾欲寢食

廢然實無別法救饑在施惠加賑普兩月其次一月暨

何裕城奏到即降旨將衛輝府屬之汲縣輝縣新鄉洪縣獲嘉等五縣不論被災分數加恩再行普賑兩月至

附近衛輝之延津濬縣滑縣封邱考城並懷慶府屬之
武陟修武陽武原武等九縣被旱農民並加恩酌借一
月口糧其極貧下戶亦賞給一月口糧

幸雨逮可耕借種上聲

莫惜費

衛輝等災

屬俟得雨後命借給籽種以資耕作

帶徵及緩徵展限秋再議

各該縣歷年帶徵耗

美緩徵等項及本年應徵錢糧並民欠未完常平義社
等倉穀均令緩至本年秋成後分別徵還以紓民力仍
諭令該撫飭屬安速辦理俾窮民均霑寔惠

嗟哉此方民薦臻遭窘匱惶恤

救燃眉致斯深我愧

雪

二月初七日

敬以臨雍祀

上丁夜霏稷霽曉無停春雲愷澤凝春雪六出文華燦
六經自幸麥麴發苗穎敢云俎豆假香馨微憐人士濕
衣履歛

福恩應錫在廷

仲春釋奠

先師孔子禮成有述

考古今春舉辟雍虔因釋奠致寅恭于焉敬對

神如在邈不深思道所從實願樸莪作舟楫詎徒觀聽

聳羔縫武公耄耄猶勤學予少

去聲

於伊志敢慵

上丁

釋奠後臨新建辟雍講學得近體四首

國學由來教化先北京建五百餘年空傳中統廟修矣

案元史稱太祖平燕京以金樞密院為宣聖廟又世祖紀中統三年修宣聖廟此皆言彼時南城國子學蓋元太祖初定燕京時所建也至選舉志稱至元二十四年遷都北城立國子學於國城之東又世祖紀二十四年閏二月設國子監乃今城東國子監之權輿也是以己丑年曾製重修文廟碑記云國學始於元太祖置宣聖廟於燕京乃指燕京初設國子學之始而言茲城東之文廟國子監則世祖至元二十四年遷都北城所立而

非中統所修矣向來紀載重沓每自
相抵牾因為訂正明晰附識於此
獨惜辟雍典闕然

酌古準今圖以創穿池引井辟成圓崇儒重道心雖疊

懼亦在茲記語宣

古制天子之學曰辟雍諸侯之學曰
泮宮北京國學自元歷明以至本朝

五百餘年有國學而無辟雍名寔不稱雖有建議請復
以之水而格部議昨癸卯春始命酌古準今穿池引井
新建園水復親製碑文以復古而不
可泥古諄切誥誠詳見辟雍碑記文

放勲巍蕩未言學教胄命夔始有虞夏序殷宗因遞述

文豐武鎬豈相殊橋園莫作徒觀者廷獻應為有用儒

却憶永平稱億萬

後漢紀稱明帝永平二年上始率羣
臣恭養三老五更於辟雍饗射禮畢

帝正坐自講諸儒執經問難於前冠帶縉紳之人圍橋門而觀聽者蓋億萬計云云所記未免失寔臨雍盛典觀聽雖多然縉紳冠帶何至億萬人之多且圍橋之間豈能容而人多擁擠亦必觀聽有所不及史傳之誣往類是雖云善善畧鄰誣

三五昔經著說詳謂他杜撰失荒唐唐

三老五更之說不見詩書惟禮記出

漢儒非孔子之言左傳始有三老凍餒之文註疏者紛紛不一而蔡邕獨斷遂有父事兄事之說白虎通直以為老更各一人且曰父一而已不宜有三其謬更甚杜佑通典亦宗其說真成杜撰矣向嘗著說聞之詳見三老五更說今命刑於辟雍碑陰祇宜養老示恩渥難並臨雍贊禮煌韓愈不甘弟子列蔡新或備伯兄行

韓愈答呂監山人書謂世無孔子不當在

弟子之列其見甚高語亦正若今之羣臣孰可當老更之席者獨大學士蔡新長於予四歲或可居兄事之列然恐其局趣弗敢當舉

王導對晉元帝之語耳慮其驚懼謝無當去聲王導稱曾喻

太陽

晉書王導傳帝登尊號百官陪列命導升御床導固辭曰若太陽下同萬物蒼生何由仰照帝乃止

祭母欲數上丁逢

釋奠禮成臨辟雍舉事率因待時節

北京國子監自元迄今五百餘年而

辟雍園水之制未備癸卯春始命興建甲辰冬工竣此誠舉大事者亦必有時節之待也化民寧渠

去聲在儀容五倫知止須勤勗一己自強切戒慵

是日講章題大

學為人君止於仁為人臣止於敬為人子止於孝為人父止於慈與國人文止於信易經天行健君子以自彊

不文質彬彬衆和樂重熙茂對志滋恭

御園雪泛

空擬冰牀拖雪光

上元節前後以望雪甚為不憚

還宮七日暖春陽御

園迴駐凍消盡素景翻欣泛冷航

配藜旋

去聲

密旋為疎豪放山花玉不如羃懸煙中鳴棹

處破冬愁望一時舒

漠漠漫漫幻景奇西山遙望失岷嶺節前後此孤予者

卷入蓬窻盡償之

去聲

珠傾栲栳爍交加吟凍寧須較八叉却又為之略厓念
過多寒礙麥抽芽

題五福堂

五福堂昭

聖日臨園中最古歷年深聞詩聞禮那忘昔益敬益慙
直至今

祖德

宗功慶貽世曾看元抱幸從心待之五十載一詠

五福堂額

為皇祖御書以賜皇考雍和宮及圓明園此
堂並摹泐恭懸昨歲喜得五代元孫為五福五代堂記
因數典於此仰惟貽慶鍾祥當賜額時寔已
遠兆庶徵而予所以遲至五十年始一題詠者亦
留以有待今日耳得以艱惟慰以欽

映清齋

迴廊接溪齋溪水清映座詎止容膝窄亦匪連拳大面
面設虛窻波光目前過目清心亦清書史伴幽課

韻松齋有會

松之韻以受清風人韻松斯致不同我自先憂後樂者

慮惟宋玉諷其雄

素心堂

溪堂號素心素心見於何敬

天凜明旦祈年祝時和愛民厓向隅勤政勵無頗斯為
四大端恒虞有錯訛宵旰之弗遑徒斯景物羅五十年
光陰階前逝水過

披襟樓自警

開誠心以布公為能此莫如虞舜時猶有面從後言者

披襟豈可易言之

靜香館

鼻為香之根香為鼻之塵根塵互資待鼻香相緣因設

使主一靜彼四

謂鼻之為根
香之為塵

胥戲論濂溪太極說畧已

示其津

善晴

雪澤既優渥誠虞風釀寒善晴欣過午微籟不生瀾嫩

暖黃棉被遙情素障看畿南霑遍否意度轉難安

降旨蠲免河南衛輝等屬歷年帶徵緩徵民欠錢

糧詩以誌事

昨經加賑衛輝屬一切緩徵俟秋議

昨經降旨將衛輝府屬之汲縣等五

縣並附近災區之延津等九縣分別加恩展賑並將歷年帶徵緩徵及民欠未完倉穀均緩至本年秋成後徵還

既而思之便秋熟新舊並徵亦苦事一之為甚其可

再況復秋熟豈可必

叶

不如概予寬其徵但完本年之

賦稅近畿甘雪實優霑衛輝旱處知霑未

京畿於二月初七初八兩

日得雪盈尺河南山東望澤尤甚通日雲氣寬廣或亦普被春膏隨降旨馳詢該撫令其迅速查奏因思感荷

天恩優加渥澤益當推恩歛福敷錫庶民遠即降
旨將衛輝等屬之汲縣輝縣新鄉淇縣獲嘉等五縣並
附近災區之延津濬縣滑縣封邱考城武陟陽武脩武
原武等九縣歷年帶徵緩徵錢糧及民欠倉穀等項全
行豁免俾農民盡心耕作若該處已普霑膏澤幸獲有
秋亦止令完納本年正課留其有餘以資衣食庶閭閻
元氣易復仍諭該撫出示曉諭咸使聞知若得優霑似此間正宜借種上農

功偉幸而秋收慶有穫完本年賦別無出留其餘以資
衣食庶幾閭閻復元氣試看浩蕩春澤優斂時

天恩合敷賜

御湖雪泛再成

二月初十日

不謂春朝雪竟如夏月霖雲來即豪放日出旋去聲消沉
旁魄失前岬迷離接遠林快晴生峭暖適可慰予心

題宋人溪山暮雪軸

意多渲染不多皴溪景山容自疊銀摩詰雪江石渠奔
展相對與會精神

仲春玉泉山靜明園即景

玉泉不十里而遙試命輶輿遊詰朝仲月已非孟月景
今年原是昨年韶軟紅雪後深桃朶嫩綠風前弱柳條

華矣滋乎蓄以發善哉館未負名標

是日於園中華滋館傳膳辦事

竹壚山房

飲食原茲日用泉

茶膳房向俱用玉泉山水內管領司其事偶臨此必就近烹試彌覺甘冽

山房就近試烹煎越甌擎覺殊常矣笑識人情重目前

謾謾泠泠落玉岑聽松庵外

玉泉竹壚煎茶本數典於惠山聽松庵因愛其精雅

命具工仿造置此并即以名山房

老松音分明一例惠山景何事犁然

昨與今

去歲於惠山亦烹竹壚試茶曾有詠

翠雲堂

雙枯立堂襟盈窓翠影侵問年金代閱此日仲春臨蔽
砌童童蔚如幢戟戟森別林葉未放不改識貞心

靜緣書屋

書屋幽巖曲琴樽與靜皆自然生道趣不屑祛塵懷桃

李紅遲苑莓苔綠染階昨經新著論

昨以聖人定之以中正仁義而主靜

試翰詹諸臣因闡明其義以主靜立人極者返太極也主靜則人極立而太極復詳見所著論中

益識

此中佳

心遠閣有懷

靜明園內此閣古歷年吟眺不一足而其引興亦不一
或樂或憂意殊畜即今雪後春方仲風日晴和景物淑
是宜樂矣忽切憂憂以何故動心曲是閣豈非恒所登
額曰心遠宛迎目詎在騁望得景遙繾遠心馳衛輝屬
連年被旱民食艱此雪霑乎為懸卜

分鑑曲題句

玉泉山左亦有泉却與玉泉

所謂天下第一泉
為京師衆水之源

各分瀉

其泉大小亦不一匯為平湖東注也東注出牆會玉河

牆內本自分高下高者三閘以出之

北在

分灌高田頗弗

寡下者別就五閘出

南在

灌低未可搏躍假分鑑之曲所

以名渠

去聲

寧飲漱資吟把邇來漏卮多就低高者慮無

涓滴灑長此安窮將害農是宜設計更張者治河聞疏

不聞壅斯有事壅風牛馬壅漏原因疏其流

分鑑曲之水由迤北

三孔閘東瀉者為高水資以灌溉高田由迤南五孔閘東瀉者為低水流入玉河歸昆明湖祇可灌低田近因

分鑑曲迤北河底沖有一穴池水盤旋下注自地中由五孔閘出者多以致迤北水不足恐將來池水不能蓄

高則迤北高處稻田難資灌溉茲臨指示將漏穴壅築使無涓滴滲漏以期農田有資灌溉

一帶高

田利耕野

山東巡撫明興奏報雨雪情形詩以誌事

春膏仲月此優滋霑否豫齊馳問之

京畿於二月初七日得雪盈尺因

降旨詢問山東河南巡撫該省曹否一律透霑春麥是否種齊令其迅速馳奏山左微零欠普

被

茲據明興奏報東省於初八日自卯至午得雨二寸並據濟南東昌泰安武定兗州各府及臨清濟寧二

州均報於是日得有雨雪二三四五寸不等雖覽奏稍慰似尚欠霑足也衛輝久旱益塵思

豫省衛輝各屬屢歲被旱望澤尤殷甚為廕念降旨詢問奏尚未至賑加征逋惠頻佈

昨經

降旨加恩展賑衛輝各屬并將帶徵民欠一概全行豁免俾農民得盡心耕作詳見前誌事詩雲作雨

興澤額施偏是飛章猶未至

據劉我奏報直省初七八日多得透雪自盈尺至六

七八寸不等而南路之順德各屬尚欠透足可知豫省尚不能獲優渥膏澤為之焦切

西南望弗

展雙眉

河南巡撫何裕城奏報雨雪情形詩以誌悶

早慮衛輝澤未優報章今閱頓添愁河陽

河以北為陽以南為陰猶

山以南為陽以北為陰

一二寸奚益

何裕城奏親至衛輝祈求雨澤於初八日自卯至辰得雪

旋落旋消入土寸許並據衛輝府屬之獲嘉濬縣懷慶府屬之河內濟源脩武武陟溫縣原武彰德府屬之臨漳等縣於初七八兩日均報得雨雪一二寸不等

他屬倍增澤畧稠

又據奏開封府屬之

祥符陳留密縣歸德府屬之商邱睢州河南府屬之偃
師陳州府屬之扶溝南陽府屬之唐縣泌陽葉縣鄧州
等州縣俱報是日各得雨二三四
五寸不等以視衛輝較畧稠密 嗟此方民罹饑饉飭

其大吏慎綢繆

河北衛輝各屬地土久乾僅得寸餘雨澤何益因飭新任巡撫畢沅親往查勘

詳籌一切 痾瘰宵旰何由釋誌悶成吟把筆羞

西直門外作

祀典重增遵

祖徽

昨歲因閱通禮所祀歷代帝王廟號與祖實錄勅議增祀之諭尚多遺漏因諭大學士九

卿等更議自晉迄金凡增祀二十五帝今屆春祭奉神主入廟因進宮齋戒躬親展禮以仰符前訓致

齋有事返彤闈憑輿歷攬郊原景村舍輕煙颺曙暉

綠柳紅桃已報春麥鉞含處露華新却思半月前經况

前於正月三十日回宮時尚未得有透雪自二月初
七臨雍日得雪後今屆半月麥龍青蔥頃覺改觀矣膏

澤迴蘇倍起寅

土潤平原春草芊倚虹

堂名在高梁橋側

傳膳取途便不堪舊

詠從頭讀

此堂本因奉多丁酉以前舊什

聖母大慶換輦而設辟每過時不堪重讀也

泚

願惟增意黯然

詠官窰筆筒

餅椀官窰亦恒見筆筒一握見殊常宣和書畫曾經伴
南渡兵戈幸未亡火氣全消文氣蔚今人如挹古人芳
不安銅膽插花卉拈筆吟當字字香

題金廷標花卉

畫苑昔年供奉人尋常粘壁那知珍即今逢每裝而弃
當面失之自惹頻

仲春祭

歷代帝王廟禮成述事

有序

昨歲閱四庫全書內大清通禮所列

歷代帝王廟位號有弗愜於心者敬憶

皇祖實錄勅議增祀

諭旨凡帝王在位除無道被弑亡國之主此外盡應入

廟乃命取紅本閱之始知爾時廷臣不能仰體

聖懷詳細討論且疏奏在壬寅十一月

皇祖大事以前數日故致多遺漏因諭大學士九卿等

更議增祀於乙巳年春祭入廟躬禮告虔以申馨

香安侑敬承

前典之意

昨年四庫閱全書

祀典於心未愜諸將謂

聖言已遵畢

向閱諭旨

意謂彼時諸臣已遵奉

歷代帝王德意

秩祀無遺是以乙未年躬祭帝王廟詩有但匪墮宗均入祀仁皇奕代著金科之句及昨歲閱大清通禮

並檢閱紅本始知崇祀者尚少而於前後五代則全無反闕入後漢之桓靈甚不愜於懷因勅大學士九卿等更議增晉元帝明元帝成帝康帝穆帝哀帝簡文帝宋文帝孝武帝明帝齊武帝陳文帝宣帝元魏道武帝明帝

太武帝文成帝獻文帝孝文帝宣武帝孝明帝唐憲宗
後唐明宗周世宗金哀宗凡二十五帝其桓靈則徹出
之以昭公論用
符前訓孰知廷議反成虛重加考訂俾全入用

潔馨香侑

定居敢以古稀謝躬祭曰欽曰監並殷予

妙應寺八韻

導

綸增位祀

前朝禮畢更衣憩梵寮五百餘年傳妙應新正今日現

祥標法輪廿丈誰飛陟瑞帛一端自綴飄

日下舊聞載白塔寺遼壽

昌二年建元至元八年世祖發視石函銅瓶香水盈滿舍利堅圓瓶底獲一銅錢上鑄至元通寶帝后閱之因加崇飾制度之巧古今罕有天順二年改名妙應寺云今歲新正月初六日賜十叟宴時是塔頂輪下懸有哈達

哈達者蒙古語謂奉佛吉祥製帛也塔高二十餘丈瑞帛飄綴實非人力所能升陟蓋是塔靈應夙著於今益

驗

不後不前千叟宴祝禔祝壽曉春朝艷稱雖弗為宣

付頂禮亦非禁衆翹

都中遠近瞻禮咸謂吉祥善事佛力神通不可思議既弗艷稱宣付

史館而中外臣民瞻仰頂禮亦弗令禁止也

迎迓異哉致韓䟽荒唐久矣息

童謠

唐時迎佛骨張大其事致韓愈正言得罪甚無謂也又元初童謠有塔兒紅北人來作主人翁塔兒

白南人作主北人客之語見帝京景物略
事涉荒唐乃紀載者幸灾好奇之為耳

幻真真幻謂

何謂空色色空超又超七字偶然為紀實傳訛防彼遞

騰囂

此事為都人耳目所共見聞因賦
此詩以紀寔免致日後傳訛耳

安徽巡撫書麟奏報得雨詩以誌事

月之初七八畿輔雪霑優幸聞安徽省乃得甘雨稠

麟書

奏報安徽省於二月初五六七等日連得密雨先後入土
深透並據近省各州縣稟報均得雨三四五寸不等京

畿於是日得雪而安省乃得雨南北
氣候雖殊而被澤則一可為欣慰也
北南氣候異其膏

潤則侔獨憐河之北居中阻兩頭

河南衛輝居南北之
中似應一律普渥乃

南北雨雪俱優而衛輝一帶霑澤
不過寸許致抱向隅為之怍然
為雲雖同宇為澤乃

殊阪薦饑更向隅其故難揣求南望惟責已恤彼溝壑

儔衛輝連年被旱此次所得雨澤分寸獨少揣求其故
寔不可得前已屢經降旨加恩展賑全免積欠並令

該撫親往查勘詳籌一切弗肯以責吏責吏滋偽浮
宵旰痼痼寔無時或釋耳

雖遭游饑然究弗以此責地方官蓋水旱所常有祇責
有司諱災不報而不責以致災之由若責以致災之由

慮其因此意存諱飾轉
滋浮偽則所關更大也

御園仲春即事

右廟脩裡歲事迴

歷代帝王廟在
西城近阜成門

輶輿路轉鳳城

隈御園韶景已昌矣金臬流陰實迅哉柳綠桃紅天
作繪人情物理道為該前旬優渥霑春澤默驗盈虛
凜化裁

含韻齋對玉蘭有作

春風到御園六樹映文軒久擬雙三逸曾消五七言

前齊

玉蘭六株向以竹溪六逸擬之五七言均有題詠

性真惟是韻態雅豈傷繁一

體辛夷本頻因格物論

辛夷開紫花以玉蘭接枝則開白花種花者云玉蘭雖有白花

而小且叢條不成樹欲花大成樹必須辛夷接植若辛夷不以玉蘭接之則仍紫花也是以已丑詩云玉蘭色

白辛夷紫白朶原從紫接成乃羣芳譜及詩人皆以木
筆專屬辛夷未為允愜屢經考訂見歷年詠玉蘭詩注
然予意究以木筆屬之玉蘭為是以
其白而雅且香辛夷花紫且無香也

題自得軒

自得則居安

奎文示義寬

此軒乃
考御筆額也

皇

放彌六合界卷退寸心官

希

聖豈其易為君欲識難

園中勤政殿為君難扁
額亦皇考御筆

勤虔勗

家法摛什作箴者

鶴安齋有詠

借問鶴之安應在山林杳亭臺及湖石胎仙豈所曉有
如王仲宣信美故土貌因命弗翦翮任其翔雲表初去
轉翔仍既久弗來了快哉得其安漫議庭禽少

芥舟

貯水坳堂大較甌小亭却擬芥之舟小非實也大亦幻
楊葉止啼似此不

理性居

萬事都由性而理此云理性義何居境清神謐表合內
允澤異風實即虛豈以閒情寄月露率因道趣悟鳶魚
窻明几淨於何樂樂在幾閒讀我書

玉蘭堂口號

玉蘭花最御園多一樹名堂覺勝他

堂前玉蘭祇一樹而枝繁花盛因以

名堂亦歷多年矣

却憶金閨點筆況風光又已隔年過

蘇州行宮亦有

玉蘭堂去歲南巡時曾寓數枝有偶為傳神揮數朶勝他真屬致然疑之句

清明

七十二候循環推又臨百五當禁火愛羊愛禮羊並亡

存名復古殆難可農諺此日忌作風

農諺有清明風刮土牽連四十五之

語今年清明天色晴霽午間微風不致起塵且幸春雪優霑土膏滋潤麥收或可望也

自昨之暮

已惕我朝來展拜

安佑宮春露益思慚負荷

清明為拜掃之節是以此日遣皇子王等祭

奉先殿

及各陵若在宮必展拜殿在園則展拜

安佑宮亦舊例也

壽皇敢不深心勗勤

民勤民要在祈豐夥微籟傍午未鳴條雄風終日非揚

堞幸或甘膏弗致艱二麥有收濟民瘼

御園觀梅有悟作歌

昨歲仲春月下澣曾有維揚觀梅句

昨春始至維揚竹西精舍有梅庭入

畫欲開齊之句

御園茲仲春下澣亦復觀梅於處處南暄北寒

氣惟恒暄開寒勒理惟素胡乃梅開如一律蓋以立春

遲早故昨歲立春正月中

去歲正月十四日始立甲辰春

今歲春立臘

月暮

去歲臘月廿四日即立乙巳春

遲

立春

寒早

立春

暄律本常開勒其間

原弗誤却思京國方綻英維揚應已無存樹是則齊中

原不齊而不齊內齊固寓災穀巧辯安能窮南枝無言

豈有慮雖然北地於庭中植梅而開亦希遇是蓋人力
代天工為之羶棚以遮護雖非薰難用火攻實避雪虐
與風妬栽者培因格物知人詎異乎慚且懼頤者繞砌
復迎窻鄧尉孤山夫豈殊叶冰姿玉骨迴超神杏冶桃
夭可弗顧言之不足長言之香送清風舞斯助

德勝門外作

辟雍歲禮返曾此雪中行優渥心誠慰康強藉可耕

予

十有五自審尚可耕藉亦恐還宮致齋戒潤野過清明
再年長不能行禮故亟行之

今日遵東道

西直門石道往來恒所經茲因欲至清淨化城瞻禮故由德勝門外東道進宮偶

因閱化城

清淨化城瞻禮

化城俾安穩

出法華經

楊葉止啼同

見涅槃經

上士來而去

班禪額爾

德呢以己亥年七月自後藏跋涉二萬里來覲以庚子年十一月於西黃寺示寂其中來去因緣不可思議因於寺旁建塔名曰清淨化城以識其事 寧論西與東因之標鴈塔本是構

龍宮

順治九年十二月五

世祖因為建德壽寺於南苑又於京城北

衆蒙古進京朝覲所居處建東西黃寺以為禪定之所茲班禪至京即於西黃寺達賴喇嘛所居之樓安禪

歲歲外藩謁都欣黃教崇

養心殿齋居

中祀齋兩日誌躬同一心不遷居亦謹

惟祀於齋宮致齋南郊大

餘皆於養心殿無怠志惟欽靜驗盈虛理穆如師保臨邇來雲

氣作便冀霈甘霖

二月初七八雪澤優霑郊原含潤此際弗雨儘可而見雲作即思渥雨人

情不知足自
我已然耳

題項聖謨松下琴興

嘉興項氏多能畫獨數

上聲

聖謨巨擘稱松下待琴未鼓

者一童子抱琴後至而未鼓興於濤韻得相應

和聞玉龍尾觥

和聞河裏閱千秋水氣土華浸弗浮祛俗偏教一倣古
不殊漢器詠其觥

耕藉日祭

先農禮成有述

助听登輦細霏絲

是日微雨

天澤顯希霑及時遇省何脩益省已勤農合敬祀

農師三登是祝錫豐穰七奏

祀先農樂七奏

惟欽式禮儀閣

雨濃雲成耜典歸途殷冀渥膏施

耕耜禾詞八首

辟雍新建因遵古耕耜重臨寓重農筋力及茲尚能步

三推恭已敢辭慵

土物愛心臧信然詩書鄭重示諸編詎惟脩禮斯數上聲

典姬室應思過卜年

用亥由来稱自唐辛金此日兩逢穰

是日辛亥五行復值金

雖云

吉兆逢微雨未致渥優惜不遑

從耕播種命諸兒稼穡艱難俾克知豐澤當年景依舊

我

皇祖建豐澤園於西苑常課耕植至

皇考

歲舉耕耜之典必先演耕於園北弄田爾時予每奉

命從耕今歲耜田因令皇六子皇八子從耕皇十一子皇十五子隨行播種俾知稼穡之艱難亦仍遵

曩訓
詞傳雅頌豈殊其

躬耕壬乙閱三年

前歲壬寅曾耕耜

不息惟吾勵體乾觀禮爾

時七老輩兩存碩果顧依然

壬寅歲耕耜九卿之中年過七旬者大學士英廉尚

書永貴曹秀先德福羅源漢及此次仍與觀耕侍儀之大學士嵇璜蔡新共七人

老人牽犂笠和蓑終畝明傳禮不磨緣遶徭任助力

問年吾却長於他

耕藉時順天府例選耆老農夫數十名用供牽牛扶犁以其勞力故年皆

六十以上之人
率未逾七旬者

歷歲染田時舉行永詞六十首曾成

每遇躬行耕藉之年除禮成述事外

復成永詞自三四首至八首不等共
已得六十一首云六十者舉成數也

七旬有五康強體

復此扶犁示勸耕

具儀氣力豈云殫黃道如繩塹壤寬弗涉安仁賦中句

陳言夏夏去誠難

三月三日疊壬寅舊作韻

啟蹕仍斯日

是日啟蹕往盤山先駐湯泉
壬寅亦於三月三日啟蹕

輪年又閱三

寅至己又
閱三年矣

撰辰忘古節

雖值上巳不
為脩楔也

乘暇發春驂首頓

湯泉近行宮舊路諳水溫地氣暖韶景已薰酣

敦素齋

行宮歷歲久處處仰

堯文敦素垂齋額還淳勉政勤繁孳日以庶侈靡自然
紛長此安窮慮守成難是君

瀾碧榭

溫泉泉處熱於湯流出平湖弗甚涼酌劑斯誠得中矣
觀瀾憑榭足徜徉

湯泉行宮八詠

溫泉

水惟涼實其恒性泉乃溫誠誰所為雖若沸羹難染指
淪茶仍藉火烹之

溫泉雖熱以淪茶必仍藉火烹蓋水性本涼也

柳色

窄地長絲柔可接
娜臨碧沼蘸徘徊
輕黃嫩綠誰為染
萬眼由他自盼來

池塘

屋中引水作池塘
意在禦風與避涼
數歲一來偶試浴
笑他石鴈太荒唐

玉蘭

紫者辛夷玉蘭白
白由紫接考之詳

紫者為辛夷白者為玉蘭本屬一種

以玉蘭接枝於辛夷則開白花否則開紫花向屢於詠玉蘭詩中詳考之
誰將木筆屬於紫

白也詩無敵豈忘

山亭

湖裏一峯渾似假峰巔四柱本來真光陰瞥眼又三歲
曰假曰真總幻因

遊魚

不凍清池擢戟鮮溫波本是出溫泉釜鬻謾遊無畏
習慣猶來成自然

書室

處處行宮有書室此間芸閣建康熙

合飴時或示予義溫故惟慚新鮮

上知聲

官鶴

忽聽戛然送遠風其音不與衆禽同有音彼豈能無意

似憶深林大壑叢

御製詩五集卷十三